

~~IN~~ FVNERE

SERENISSIMAE IOANNAE
AVSTRIACAE,

SERENISSIMI FRANCISCI MEDICIS,
Magni Ducis Etruriae vxoris.

LEONARDI GINII CORTONENSIS

- laudatio ad funebrem concionem Senis IX. Cal. May.

CID ID LXXVIII.



SENIS Apud Lucam Bonettum. 1578.

Proc. Vol 636

3
ANTONIO SERVIDIO
SERENISS. FRANCISCI MEDICIS

Magni Etruriæ Ducis a secretis,
Equitiq; Diui Stephani,
Viro optimo, & nobilissimo,
ac de se optime merito.

6666

LEONARDUS GINIUS CORTONENSIS. S.



Rationem meam in Serenissimæ Ducis nostræ funere Senis facto ad te ornatissime, atq; optime Seruidi mittere libuit; quæ te admoneat; beneficia, quæ abs te in me nec pauca, nec leuia profecta

sunt, non mihi ex animo excidisse. Tu, & quodd benignè dantis est proprium; & quodd multis quotidie multa dare cōsueuisti; facile forte oblitus es; mihi autem immemori esse non licet; nisi etiam ingratus haberi velim; præsertim quum fratrem tuū Volaterranorum Antistitem maxime Reuerendū beneficiorum in me collatorum sciam testem esse locupletissimum. At gratiam adhuc nullam retuli. Fortunam licet accusare. Volūtatis vero, animiq; mei hoc, qualecunq; sit, testimonium esse velim.

Huc accedit, quod si orationem hanc ad eum mittere statuissem, qui ex Serenissimæ Ducis nostræ morte grauius angeretur; haud scio, an, non modo ex alijs; sed ne ex omni quidem Sereniss. Ducis nostri familia deligere alium licuisset, cui Serenissimi Ducis damna & incommoda plus molestiæ, plus mœroris, plus ægritudinis asferrent. Quamobrem vel eo saltem nomine non ingrata tibi omnino eâ fore cōfido. Quodd si fiat, vt ab alijs negocijs libero eam tibi legere aliquando contingat; sic tibi persuadeas, nihil me magis optare, quàm vt animi tibi mei planius, & apertius ostendendi facultas aliqua offeratur. Vale; & quam ab hominibus gratiam non exigis, pro tot tantisq; beneficijs tuis, quibus plurimos assidue afficis, atq; auges, Deum Opt. Max. cumulatissime tibi relaturum confide.



IN FVNERE
SERENISS. IOANNAE AVSTRIACAE,
Serenissimi Francisci Medicis, Magni Ducis
Etruriae vxoris
LEONARDI GINII CORTONENSIS
laudatio ad Funebrem concionem, Senis ix. Cal. Maij.



FNITERE, enitere maestissi-
ma vox; erumpe aliquando san-
dem. Vsq; lacryma, & sin-
gultus ne quaso vocis officium
impedite; patiamini, ut quem-
admodum vos immensi, iustissi-
miq; doloris signa datis, sic voci
iustissimas dolendi causas liceat
explicare. Quamuis enim, qui adsunt, omnes & lacrymas
videant; & suspiria singultusq; exaudiant; mororemq; no-
strum contemplantur; eiusq; causas (atq; utinam ignoraret)
cognitas maxime habeant; tamen & rei magnitudo, & com-
munis omnium iactura, & officium nostrum omnino postulat;
ut mororem, doloreq; nostrum non solum lacrymis, sed luctu,
eiulatu, vociferationibus testificemur. Tu quoq; nunc vere
Dux & Regina, vere nunc Serenissima Ioanna, da, obsecro
te, nobis hanc veniam; ut miseriam nostram, te non penitus
inuita, lugeamus; ac tuarum virtutum memoria lugendo ob-
lectemur. Video miserum hoc nostrum, acerbunq; praconiū
iure tibi esse ingratum; video tibi iniuriam fieri; quam neq;
nunc immortalem lacryma decent; neq; antea mortalem va-
na laudes delectarunt. Veram illa gloriam Senenses, veram
virtutem, verum omnium seruatorem inuebatur; hunc ani-

mo, ac mente complectebatur semper; huic vni precipue dedi-
 ta erat, atq; addicta; hunc toto amoris ardore concupierat.
 Quo in praesentia quum fruatur; non sibi inaniter placet; non
 fecte laetatur; iubilat scilicet, reque vera triumphat; & ad nos
 conuersa crebro illud Christi seruatoris vsurpat; Si diligereis
 me, utiq; gauderet is. Vera quidem haec sunt Auditores; nō
 tamen possunt mœrentium nos voce prohibere. Fortioris est
 animi tantam siccis oculis aspicere iacturam. Non enim vnā
 aliquam mulierculam, sed Ioannam Austriacam Serenissi-
 mam Tuscia Ducem amisimus; non solum nobilissimā, sed
 omnium, quae sunt, aut fuerunt, lectissimā, prudentissimā,
 religiosissimā. Deflet hanc Danubius, ac in ea deflenda &
 Caroli patris, & Ferdinandi patris, & Maximiliani fra-
 tris Augustissimorum Imperatorum renouat memoriā. Ma-
 iorem facit eius luctum, lacrymisq; suis adauget Rodulfus ne-
 pos Imperator semper Augustus. Deplorat hanc Arnus,
 qui post Serenissimi Cosmi obitum diu lugens, ac mœrens, quū
 Serenissimi Philippi ortu maximā mœsticiae partem abiecisset;
 nunc acerbissimo hoc funere cogitur in squallore, ac lacry-
 mis iterum iacere. Quantum sit Arbia luctus non necesse est
 commemorare; omnes enim eius luctum praesentes videmus; et
 flentes, ac sordidati adiuuamus, & vel eò acerbiores esse sen-
 timus, quod raro admodum, ac breui iucundissimo Serenissi-
 mae Ducis suae aspectu frui misera licuit. Quos eam lacrymis
 pauperes prosequuntur, eius ope, atq; auxilio priuati? Sacras
 Virgines quant opere angere, & cruciari necesse est? quibus tan-
 tum praesidium misero funestoq; fato ereptum est? Sacerdo-
 tes, & sacra templa quam maxime huius benignitatem, pie-
 tatem, sanctitatemq; desiderant; funesto ornatu, lugubriq;
 voce

voce declarant. Matrone, nobilesq. mulieres non dolebunt?
 non egre ferent? probitatis, honestatis, castitatis speculum
 tam densa, atraq. caligine obscuratū? in quod intuentes opri-
 mis, sanctissimisq. moribus seq. ipsas, filiasq. suas inferma-
 hant? Atqui non solum ad priuatos; sed nulla est natio, ad
 quam summus huius morte mæror non venerit. Lugeat Gallia;
 mæret Hispania; Germania cruciatur; angitur Italia; Tu-
 scia omnis senio confecta est; seq. vere infelicem appellat; quæ
 huius interitum multo maxima splendoris sui parte, & alitero
 quasi lumine est orbarsa. Squallens vires; oppida affligantur;
 agri deniq. ipsi ex tam mansuetæ, tam beneficæ, tam sa-
 lutaris, tam sanctæ Ducis desiderio non sine lacrymis & fletu
 laborant. Verum in tanto omnium squallore, & eiulatu,
 quântum Serenis. Dux, quantum mæstis. Francisce, quan-
 tum esse dolorem, mærorem, angorem tuum credi par est?
 Maximum certe est animi cui robur; sed haud scio, an præ
 iactura magnitudine doloris magnitudini possit obsistere.
 Amisisti coniugem nobilissimam, honestissimam, obsequen-
 tissimam; cuiq., quod tu omnium maxime intelligis, aman-
 tissimæ; ut vix ullus consolationi relictus locus videatur. Quæ
 tamen omnia, quum & tuum, & communem omnium dolo-
 rem videantur augere; diligentius animaduersa, non medio-
 crem & tibi, & alyis afferre consolationem possunt. Tanto
 enim, ac penè mortifero vulnere accepto; in tanta tua, & com-
 muni Tuscorum omnium calamitate, præter insitam animo
 tuo virtutem, illud lacrymas, luctumq. sedare maxima ex
 parte potest; quod non est dubitandum, eò ipsam peruenisse;
 quò mentem, animumq. omnem intenderat; quò viam sibi as-
 sidue muniabat. E quidem videre mihi illam videor, summa
 illa,

illa, & perpetua felicitate, quam semper ad amavit, fruente-
 tem; suspirijs, singultibusq. tuis aliquid commocam, huiusmo-
 di te verbis alloquentē. Quid est charissime, atq. amantissime
 coniux, quod tantopere affligtaris? me ne luges? quæ ex obscu-
 rissimis istis tenebris educta luce fruor clarissima, & sempiter-
 na? An solitudinem, sortemq. tuam deploras? Atqui habes
 matrimonij fructus; habes filium; habes heredem; habes suc-
 cessorem. Depone, quæso, mærorem, & luctum; sic tandem
 aliquis lugubrium lamentationū, lacrymarūq. finis. Acquie-
 sce, obsecro te, Dei Opt. Max. voluntati, ac sententiæ; & quæ
 in me fiere mortalia, ne pluris facias, quàm me ipsam fecisse
 cognoueris. Et vere Senenses mortalia omnia Dux nostra
 Augustissima neglexit. Respice eius actiones; in eius vitâ,
 moresq. inquire. In summa fortuna summa humilitas; in sum-
 mis opibus summa lenitas; in summis diuitijs summa frugalitas
 as apparebit. Ex altera parte in summa frugalitate summus
 sumptus; in summo sumptu summa charitas; in summa chari-
 tate summa religio elucebit. Nihil deniq. in ea non religiosū,
 nihil nō sanctum, nihil non quavis muliebri viriute reperietur
 illustre. Nouerat ipsa sese nobilissima mulier; non ignorabat,
 quibus esset parentibus, quibus maioribus, quàm illustri gene-
 re orta. Veruntamen (quod pleræq. omnes huiusmodi mu-
 lieres facere solent) nunquàm se exulit; nullum unquàm fa-
 ctus, aut superbia signum dedit; tota humilis, tota amica, &
 mansueta. Quæ quum se & Carolinæptem, & Ferdinandi
 filiam esse sciret; & Duci nostro Sereniss. Francisco Medici
 ex amplissimo genere in amplissimā familiam nupsisset; nun-
 quàm maiores suos Reges, & Imperatores respexit; nunquàm
 ad Tusciæ imperium animum aduertit; sed tantum summo se

viro nuptiam existimauit: Atq. vt aqua vino admista vinum
 appellatur; Sic virum & uxorem vnum quidem corpus; impe-
 rium tamen, & auctoritatem vini propriam esse censuit. Itaq.
 omni quasi imperio, & potestate ipse abdicans; rei domesti-
 cae, ac potissimum religioni se se dicauit. Hic laudabitur fortasse
 ab aliquibus virago aliqua, vel vorago potius; quales non paucas
 fuisse notum est; quae non contentae connubijs se esse participes; &
 priuatarum curarum, negotiorumq. confortes; publicarum quoq.
 rerum consilijs interesse; & pacis ac belli negocia tractare volue-
 runt; quasi omne sibi imperium, potestatemq. non solum in sub-
 iectos, sed in viros etiam suos sibi assumpsissent. Valeant istius
 modi pestes, et portenta; & quouis conuicio, vel supplicio potius,
 quam laudatione digna. Neq. tamen is sum, qui in claris, nobi-
 libusq. mulieribus animi praestantia, magnitudinemq. vituperes;
 sed eius usum, nisi necessitas postulet, in eis non desidero. Laudent
 alij Callipatram; quae virilis habitus, & vestitus, magistrum se
 exercitationis simulans, filium ad Olympia certamina contra
 Eliensum legem deducere ausa est. Admirentur Cyniscam Ar-
 chidami filiam, quae prima equos aluisse, prima in Olympicis pal-
 mam tulisse dicitur. Vana haec sapientibus videntur; & stul-
 ta temeritatis potius, quam magnitudinis animi indicia. Maxi-
 mo in honore sint Semiramis, Eliissa, Mania, Zanobia, aliaeque
 similes; haec iustis & maximis offerantur laudibus; quae provin-
 cias, & regna post virorum obitum aut viriliter, recteq. admi-
 ni strates auxerunt; aut virtute sua sibi noua pepererunt. Hic ani-
 mi cognoscitur altitudo; hoc est Fortuna obistere; hoc animi ro-
 bur, virtutemq. ostendere. Neq. vero, etiam temporibus nostris de-
 fuerunt, quae in provincijs administrandis pari virtute se gesse-
 rint; quas quum laudare plurimas possem; vna erimus in praesentia
 contenti; quae omnium nobis in futurum sit. Respiciamus,

quæso Mariam Austriacā Sereniss. Reginam, nostra huius,
 quam miserabiliter destimus, amicam. Hæc quàm prudenter,
 quàm iuste, quanta auctoritate, maiestate, animi magnitudine
 Flandriam gubernauerit, ut nihil aliud dicamus, præsentia tē
 pora declarant. At nostra hæc, quanuis, eodem semine procrea
 ta, non minori esset animi robore, & virtute; virum tamen pru
 dentem nacta; nihil, quod virum deceret, viuo illo & præsentē
 sibi tentandum esse censuit. Ut enim luna exorto, ac fulgente
 sole vix apparet; sic viuo, ac præsentē viro ab omnibus grauiori-
 bus negocijs debet vxor abstinere; liberanq. illi facultatem om-
 nē, atq. imperiū relinquere. Voluisset quidem Sereniss. Fran-
 ciscus, non solum quod eam maxime diligeret; sed etiam quod
 summam in ea prudentiam videret; quemadmodum connubij,
 sic plurimorum negociorū habere consortem. Illa vero, quum &
 illius sapientiam, & vxoris optima, ac prudentissima quod
 esset munus intelligeret; ut sui ipsius imperiū, sic grauiorum ne-
 gociorum libenti animo curam viro concessit. Facinus animo re-
 gio, regnisq. assuetū vere dignum. Adhortabatur ipsam natura
 unicuiq. innata imperandi cupiditas, ut se publicis negocijs ad-
 misceret. Regno fruiere regia mulier, Regnis nata, & omnium ma-
 xime ad regnandum apta. Pulchra res est, utilis, atq. honesta.
 At qui ad hæc non sine stomacho mulier fortissima. Faceisse per-
 nices animorū, pestisq. scævisima, Pulchrum certe, atq. hone-
 stum est imperare; sed tibi. Quid enim prodesse cuiquàm potest,
 in cæteros omnes tenere imperiū, si tibi tamen seruire cogatur?
 Sic inuictō animo dū quæ mort alibus maxima videntur, tæquā
 caduca, & incerta contemnit; in summa, & certissima inten-
 dens, interea volens, ac si priuato alicui, nō Amplissimo Duci
 esset collocata, ad ea, quæ humiliora vulgus existimat sese cōuer-
 tit. Quunq. nihil tam suū esse videret; nihil tam sibi in vitæ glo-
 riosum

riusum putaret, quàm si a tantissimi coniugis amore, quem in se maximum esse nouerat, iusto obsequio cōseruaret, vel (si quid addi posset) etiam auget; asidue eius mores, diligenterq. contemplans, nihil æque studebat, quàm ut se, vitæq. suam ad eius regulā, normamq. institueret; & quæ illi videretur, sibi quoq. probata esse omnino vellet. Hanc enim, si quæ esse in hac vitæ felicitas potest, summā felicitatem reputabat; nempe consentientem, cōspirantemq. viri, & vxoris animū, ac voluntatem. Quin etiā, ut optimæ vxoris officio diligentissime fungeretur; quonq. omnia, quæcūq. ageret in hac vitæ, vehiculum sibi quoddam ad felicitissimam fore statuisset; nullum voluit habere amicum, nisi quem viro suo animaduerteret esse charissimum; quod ei perbel le, & ex sententia successit; nam cum ipsum, quem præcipue à primis vsq. annis adamauerat, à viro suo potissimum colit intellexit. Quid est enim (quum etiam alios charos habeat) quod Serenisi. Dux magis amet? magis obseruet? maiori pietate, quàm religionem, & Creatorem omnium, ac seruatorem colat? Hunc igitur ex omnibus viri sui amicis delegit, cui studeret in primis esse amicus. Itaq. ad priorem animi propensionem proxima deliberatio tantum attulit momenti, ut multo hunc, quàm virum ipsum (atq. in hoc gratum se ei facere videbat) maiori obseruatiua prosequeretur. Quæ in re id sibi vsu veniebat, quod misere amantibus accidere consuevit. Ut enim illi absentem, tãquàm præsentem alloquuntur; absentis imaginem inuentur; verbis, & cantilenis ei gratis libentissimo animo vtuntur; & non solum ipsi canunt; sed alios etiam canentes maxima cum voluptate auscultant; eius nomen si cuiquàm ludibrio esse, & cōtumeliæ causa vsurpari audierint, vehemētius indignatur. Loca, in quibus frequenter esse consueuit, crebro visitant. Eius familiares, etiā humiliores complectuntur; omniq. studio fouēt, ac vtuntur. Sic

Serenissima hæc mulier, Dux, atq. Regina immensi amoris sui signa in dies certiora ostendebat. Quàm saepe voce, vultu, lacrymatione, oculis aut præ reuerentia in terram defixis, aut præ nimio affectu in eius simulachrum intēis, Amicum hunc suū, & Dominum quasi præsentem alloquebatur? Quantis singulis, quant oq. fletu eius amore indignā se profitebatur? Quanto cum gemitu, et mærore prostrata quasi ad pedes & veniam, & gratia conciliationem postulabat? Nullus erat dies, quin pie, sancteq. diuinis precationibus & ipsa vteretur; & alijs videntibus interesset. Hymnos enim, odas, sacraq. carmina in ore habebat assidue. Præterea domi non surras, non mimos, non saltatores, nō alias eius generis sordes, sed sacerdotes habebat assidue; qui certis, suisq. horis rem diuinam summa cum cerimonia, & religione facerēt. Maledicta in Deum, & execrationes, quàm vehementer oderit, Edicta, qua, ipsa potissimum suadente, in eiusmodi pestes composita sunt; publiceq. & magna voce præconis pronunciata, declarant. Porro quàm frequenter Deo dicata templa visitaret, notius est, quàm ut cuiusquàm testimonio sit probandum. Hæc enim a choreis, equestribus ludis, fabulis, talibusq. spectaculis, quibus Regiæ mulieres ferme omnes capiuntur, toto animo, ac mente abhorrebat. Ac si quādo ut, vel viro, vel affinitatis vinculo coniunctis mulieribus, vel ciuibus et populo gratificaretur, ijs intersuisset; corpore tantum præsens, animo loca illa perlustrabat, vbi sacra diuināq. Spectacula præberi quotidie solent; quæq. summus ille suus amicus frequenter cōsuevit. Ibi erat libenter; ea ornabat; ibi pietatis, religionis, charitatis certissima indicia constituebatur. Quod, præter vrbs Florentia sacras ades, Augustissimum templum ad mare Adriaticum, in quo sua sacratissima Virginis Seruatoris nostri matris cella, ipsaq. sanctissima Virgo religiosissime colitur,

argu-

argumentis certissimis confirmat. Eo enim religionis ergo Serenissima Dux nostra profecta, munera attulit, religione, pietate, & amplitudine sua, nec non loci ipsius dignitate non indigna. Verum enimvero quum, quoquo te vertas, eius amoris, atq. observantiae in Deum vestigia cernas; eaq. non leuiter, sed altius impressa ad memoriam sempiternam; in eo tamen eius maxime splendor elucet; in eo excellentia, eiusq. altitudo animi praecipue apparet; quod pauperibus, egenisq. subleuandis nullam neq. commodorum, neq. utilitatum suarum vnquam habuit rationem. O immensam, veranq. animi magnitudinem, ac liberalitatem. Aliae huius conditionis, & fortunae mulieres studium pecuniae corrogare; haec erogat. Aliae luxum quarunt; haec frugalitatem. Aliae vestes praetiosissimas parare student; haec modum, ac simplicem quarit ornatum. Aliae in mensa, conuiujsq. lautius splendidijsq. apparandis sumptus faciunt; haec parcius viuunt, ut largius dispenset. Aliae mimos, & scurras alunt; haec sacerdotes. Aliae ridiculos & ioculares homines habent in delicijs; haec pauperes. Aliae ludendo plurimum temporis consumunt; haec diu nostrisq. magnam partem sacris, & mathematicorum scriptis euoluendis, at multo maiorem Deo supplicans traducit. Quinimo iam aucto a ludis animo fuit, ut quum prohiberi omnino posse non videret; illud saltem curauerit edicendum, ne publice luderetur. Deniq. seruato dignitatis, amplitudinisq. sua decoro nihil non egit contra fastum, luxum, superbiam, nihil non contra Regiarum mulierum deprauatam consuetudinem, atq. naturam; suoq. exemplo illas docuit, quae in eiusmodi gradu collocatae sunt, maiorem suorum, & praecipue pauperum, quam sui ipsius habendam esse rationem. Quauis enim in Regia maiestate constituta pluribus indigere videamur; non tamen debent superuacaneis, minimeq. vtilibus delectari.

Uideris Senenſes quid, quātūq. in muliere hac praſtāſſima.
 Duceq. noſtra, ac Regina Sereniſſima amiſerimus. Uideris exi-
 mia eius, excellentesq. virtutes, licet minima ex parte adum-
 brata, quales, quantaq. ſint. Quas omnes (generis nobilitatē,
 maiorum geſta, externaq. omnia, quae vel nihil, vel parum o-
 mnino ad eam pertinent, conſulto omittā) ſi, non dicam ampli-
 ficare dicendo, ſed per cenſere numerando velim; ante diei finis
 erit, quā orationis finem inuenire poſſim. Iſaq. nihil dicam in
 praſenti quantū fuerit, quantū diligēs eius cura in filiis, licet in-
 fantibus adhuc alēdis; ancillisq. ſuis liberaliter, honeſte, vereq.
 Chriſtiane (liceat, dum de muliere maxime Chriſtiana loquor,
 hoc verbo uti) vere, inquam Chriſtiane inſtituendis. Haec enim;
 & ſororum, & filiarum potius; quā ancillarum loco habuit
 ſemper; neq. ex praua, & inueterata conſuetudine, in ſaltatio-
 nibus, in ludis, in cantionibus habuit occupatas; ſed pijs, diui-
 niſq. precibus, & aſſidujs laboribus exercebat. Filios autem
 utinam, quemadmodum in hac aetate non plus lacte, quā opii-
 mis verbis, ac monitijs imbuendos curabat; ſic diuini, ſeq. potiſ-
 ſimum Sereniſſi. Princeps erudire, ac ſua per veſtigia ducere li-
 cuſſet. Sed quando ſineſtum fatum, & mors prohibuit impor-
 tuna Sereniſſimi patris tui iuſtitiam, prudentiam, religionem,
 atq. in omni genere virtutem imitabere, eumq. in tanto luctu
 non leui cōſolatione interea permulcebis. Neq. enim poteſt iucū-
 diſſimus filij aſpectus patris animum, licet mærore affectum nō
 magna ſuauiſſitate perfundere. Quāuis ille ipſe, qui mærorem
 leniet, aſpectus, chariſſimæ vxoris deſiderium, memoriamq. re-
 nouabit. Etenim dum te ipſum aſpiciet; materni corporis et ani-
 mi iſtā ſaginem videbitur intueri; atq. in ſex. Id. Aprilis memo-
 riam redibit. Quo illa die, quum ad Amicum, Dominum,
 Deūq. ſuum feſtinaret; mærentem virum conſpicata, huius-
 modi

modi ipsum oratione dicitur alloquitur. Semper enim eodem fuit animo forti, atq. infracto; itaq. non lacrymis, & fletu, quasi huius vita disidiū ferre non posset, sed hilari lætoq. vultu, atq. animo etiam alacriori; Quæ mihi, inquit, acciderunt charissime coniux, sic, ut Deo visum est, facta sunt; neq. nos quæ ab eo fiunt, aut grauiā existimare; aut grauius ferre debemus. Etenim a summo bono nihil fieri non bonum potest. Libens ex hac vita, quasi è carcere liberata decedo; neq. tu grauius angis debes, quàm me videas commoueri. Unum hoc quod te oro extremū, est; ut quæ mihi dum viuerem charissima esse intellexisti; benigne foueas, & complectaris. Non loquor de communibus libris, quos ut tuos, & ex te genitos patrio amore, & charitate prosequaris necesse est; pauperes dico, pupillos, viduas, sacras virgines, sacros sacerdotes, sacra templa, sacram religionem. Scio hæc tibi cordi esse; cogor tamen quæ vehementer amavi, vehementius etiam commendare. Memento hominibus te imperare; quorū quidem errare, Dei vero, cuius tu nutu imperas; quæq., quantum homini ni licet, imitari debes, parcere est proprium. Si igitur iustitia (quod faci) semper admittas clementia. Commodis bonisq. vitæ, quæ tibi omnia à Deo data sunt, sic fruaris, tanquàm Deo ipsi accepta relaturus. Vale charissime coniux, & quoties communes liberos aspexeris, recordare, nihil mihi post Deum immortalem te vno, atq. ipsis gratius in vita fuisse, aut iucundius. Sic igitur Senenses nobilissima mulier, & omnium, quas aut vidimus, aut audimus, aut legimus, honestissima, castissima, prudentissima; hoc, inquam, castitatis, ac pudicitie speculum; hoc comitatus, atq. humanitatis exemplum; hoc religionis, ac pietatis simulachrum; hoc pauperum, atq. egenitum perfugium certissimum; hæc virtutum omnium species, & absolutissima imago, sic vitæ sancta est; ut nemini

vider;

mirum videri possit, quod de sacra illa et sanctissima Virgine Præfensi,
cuius sanctitas non modo nostrorum linguis, sed summorum
quoq. virorum scriptis celebratur, certissimis nuncijs vulgatum
est. Ea enim rogata, vt pro Serenissime Ducis salute vota fa-
ceret; renunciate, inquit, iam sibi in cælo coronam parari. Ad
te igitur orationem meam conuerto, quæ nunc vere felix, &
beata, dum amicum tuum iam præsentem intueris; vere, perfe-
cteq. intelligis; te, quæ homines admirantur, iure contempsisse,
quæq. in Cælo cum reliquis diuis æuo iam frueris sempiterno;
Teq. supplex oro, atq. obsecro; vt ex istis locis, vbi cum summa
tranquillitate, & ocio perpetua est felicitas, vitam nostram
fluctuantem, miseram, atq. innumeris calamitatibus erumnisq.
oppressam respicias; & quemadmodum apud nos degens, semper
es miseriae nostras miserata; sic nunc amicum tuum Deum, ac
Seruatorem omnium Christum Iesum preceris, atq. im-
plores; vt rectam nobis mentem det; misericordiam
tribuas; & proptremo, quam tibi impar-
ticus est, gratiam suam, gloriamq.
imperiat.



F I N I S.

Fr. Pomponius Trunchonus Senensis in dominio
Senarum Vice Inquis. licentiam concedit, vt hæc
oratio imprimi possit.